

Apunto di perde un bo oportunidad

FECHA PA CUMpra EDIFICIO ECURY PA MUSEO ARQUEOLOGICO A VENCE

ORANJESTAD (AAN): Ta un berdadero lastima cu e oportunidad pa cumpra e cas di famia Ecury pa Museo Arqueologico bin aden, ta casi pa caba, y otro interesado por adquiri e cas aki.

Den conversacion cu Evelino Fingal, Director di Instituto di Cultura, manera DIARIO a splica caba, e problema di espacio pa expone obranan artistico na Aruba a bini dilanti, pero e problema aki tambe ta afecta Museo Arqueologico, cu no tin un local adecuado pa ex-

pone y warda tur e piezanan historico cu ta identifica e poblacion di Aruba cu su antepasadonan.

Ta asina cu Fingal a bisa na DIARIO cu tur aña tin reunionnan y decisionnan ta wordo tuma con e fondonan di desaroyo cu Hulanda ta fia Aruba ta wordo destina.

Pa e aña aki e proyecto pa e museo tabata den lista, y tabata tin un cantidad di mas o menos 45 milyon florin cu mester a wordo destina na proyectonan, incluyendo cultura.

Pero e plannan cu Aruba tabata tin a surpasa e suma original, e incluso Hulanda a dispone di 50 milyon florin pa desaroyo economico di Aruba.

Na dado momento no a resta sen mas pa cumpra e cas di e Rumannan Ecury, y fuera di esey, aparentemente tin argumentonan pa cual Hulanda a nenga pa e proyecto aki bira realidad.

Aunque Fingal no a ricibi e carta oficial KABNAA ta parce cu e sumanan disponible pa e aña aki a caba dor

di otro proyectonan y esun cultural a keda atras.

Un di e argumentonan cu Hulanda a trece dilanti, segun Evelino Fingal, ta e idea di cuidio di documentonan, cu Hulanda tabata desea mas tanto un plan total pa henter e bario unda cu edificio di famia Ecury ta ubica, y no solamente pa esun destina na Museo Arqueologico. Esaki tabata regarda drechamento di tur e casnan di estilo antiguo cu tin den e bario ey, cual ta uno hopi centrico por cierto.

Di un banda e idea tabata hopi bon pa gobierno di Aruba traha un plan pa henter e bario, pero naturalmente esey ta un proyecto di varios milyon di florin y Aruba no tin espacio pa saca tur e placa rekeri. Fuera di esaki ta asina cu e Fundacion Cuido pa Monumento ta trahando caba un plan pa henter e bario mencion, cual aunque no ta cla ainda a wordo presenta caba.

"Si e proyecto pa cumpra e edificio Ecury a wordo realiza e lo a duna un empuhe pa sigui drecha henter e bario, pasobra un caminda bo mester cuminza pa por continua" Evelino Fingal a bisa.

Segun el a agrega e problema ta cu e plazo cu Famia Ecury a duna gobierno pa e tin opcion riba e edificio a caduca na Maart 92, y aunque

gobierno a haya algun siman mas di tempo pa dicidi, esaki ta casi pa vence tambe y tin otro interesado cu por opta pa cumpra dicho edificio, loke ta hopi lamentable, pasobra no ta falta mucho pa e Museo perde e oportunidad aki.

Mientras tanto falta di espacio na Museo Arqueologico ta sigui siendo un problema, pa cual Instituto di Cultura no por sinta keto y mester sigui lucha pa busca un solucion.

Ta asina cu siman pasa DIARIO a trece dilanti cu Banco Central a hala atras completamente su proyecto pa construccion di un edificio nobo na Schoolstraat.

Ohala Gobierno lo pensa pa destina e edificionan aki na Instituto di Cultura, no solamente pa museo arqueologico bini aden, pero pa un sala pa exposicion adecuado ya cu ta trata di dos edificio cu aworaki ta den ruina y ta presenta un panorama masha mahos mes. E punto ta bon situa, pero no solamente esey, sino cu lo soluciona un problema serio cu ta esun di sushedad y chollernan cu ta drumi y haci fastioso den e lugar aki. Ademá Aruba ta conociendo un florecimiento enorme den tereno cultural. Un bon local pa exposicion y un museo arqueologico adecuado ta mas cu mercedi pa pueblo.

OF
ina
ofi
cio
cio
ini
cio
(Ec
tio
Di
age

A

OF
An
di
Bir
Pal
E
dar
har
fon
ject
tan
fesi
cad
nan
Pri